

Date – 06/09/2025
Time - 07:30 -07:40Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. Sorkar laipuiin GST chhiah thar bithliah chu Mizoram state mipui tan thu lawmawm a nih laiin state sorkar in chhiah lakkhawm lamah nasa taka tan lak a ngai thung tih mithiam ten an sawi.
2. Champhai atanga Aizawl panna kawngpui National Highway No.06 chu leiminin hmun hniah a hnawhping a, tun dinhmunah lirthei eng chi mah a kaltlang thei rih lo.
3. Union Finance Minister Nirmala Sitharaman-i chuan GST kalphung thar chuan mipuite thil leh hralh kawngah hmasawna a thlen dawn a ti.
4. All India Institute of Medical Sciences (AIIMS), Delhi chuan doctor leh nurse team engemawzat Punjab tuilian tuarte enkawl tur a tir.

<><><>

GST

Sorkar laipuiin GST chhiah thar a bithliah chuan Mizoram state chhungah mipui tan thu lawmawm a nih laiin state sorkar in chhiah a lakkhawm a tlakhniam loh na tur dap a ngai thung niin mithiam ten an sawi.

Akashvani News in a kawmnaah Mizoram University-a Economics Professor Dr James LT Thanga chuan GST Reform 2.0 hman a nih hunah chuan Mizoram sorkar chuan a tuar dawn a ni, a ti a. Mizoram in GST a lakkhawm atangin cheng vbc 90-200 inkar bawr vel a hloh a rinawm a, hemi zat chan tur hian Mizoram dinhmun a tha tawk lo a ni a ti.

Tunhnaiah GST lakluh a tlakhniam chhan Assembly Subject Coomittee in a sawi dan chuan Departmental work a GST awmlo chu a ni a ti a, hei hi siamthat ni rawh se tih a ni. Departmental work hnuaia Contract ah hian GST zaa 18 lak a ni a, hei hi nasa taka sorkarin a umzui a ngai dawn ni a an hmuh thu Dr James-a chuan a sawi a, bungrua atanga sumdawng leh midangten GST an pek leh central atanga state in a hmuh chu a tla dawk dawn a, hei vang hian state sorkar chu a inrin hle a ngai dawn a ni a ti. State sorkarin a tih theih dang pakhat chu, GST lakna tur huang zauh a nih thu a sawi bawk a, A bikin Aizawl bazar hmun lian deuhah te foreign siamchhuah, thawmhnaw te, electronic lam thil te leh thildang tam tak, tunhmaa chhiah lak ngai lohna ah te chhiah a lak theih dan ngaihtuah a theih a, chhiah khawna tur huang zauh ngei a ngai ang a ti a ni.

Financial & Political Analyst Pu Lalhunliana Ralte chuan Mizoramah GST registration nei ve ngei tur ten an nei lo tih sawiin, heng mi te hi zawnehhuah a, khawrh chhuah kawngah state sorkarin tan a khawh ve tlat a ngai a ni a ti bawk.

State Taxation Official te atanga Akashvani thudawn danin Mizoram chu thil siamchhuak lo, a leitu leh lalut ringawttu zawk-consumer state a nih angin, GST pek that a ngai dawn hle a, supplier leh works contractor lam in an pek that loh chuan, chhiah lakkhawm ah hmasawna lam pan a harsa dawn a ni. Thu lawmawm erawh chu GST pek dan awlsam siam nghal a ni a, tunah chuan UPI kaltlangin internet baking nei kher lo pawhin awlsam takin chhiah hi an pe thei tawh dawn a, hei hian chhiah pe tur te pawh a tih phur an rin thu Taxation official te chuan an sawi a ni.

Hetihlai hian, mi naran tan chuan sorkar laipui hmalakna hi a lawmawm takzet niin consumer pakhat chuan a sawi a, central sorkar hmalakna fakin, zau zawka puanzar zel ni thei se a tih thu a sawi ni.

<><><>

MPCC

Mizoram Pradesh Congress Committee President Pu Lal Thanzara'n Dampa bial Bye- Election neih a nih tur thu leh a hun puan a nih hma leh bialtu MLASPu Lalrintluanga Sailo boral sarhu laia ZPM leh MNF ten Candidate an puang chu thil mak leh chhiat tawh chhungte leh bial mipui tawrhpuina aiin palzutna a ni, a ti.

Pu Lal Thanzara hian nimina an party office Congress Bhavan-ah thusawiin, Dampa bialah Congress party-ah beiseina mipuiin an nei nasa a. Dampa bialah Congress party in hnehna an chang a nih chuan kum 2028 MLA inthlan atan Campaign a chanve an zo tluk tihna a ni a ti a. Nakum Aizawl Municipal Corporation inthlan hun atan an inpeih tawh bakah kum 2028 inthlanpui neih tur atan Final khel turin an in pet kai mek tawh a ti bawk. Chumi tichiangtu chu Congress Party in programme kan hman apiangin mithar lawmluh tur kan nei zel hian a tichiang a ni, a ti.

Pu Lal Thanzara chuan, Aizawl West-I huam chhungah Local Council mumal taka hmalakna nei hlei thei lo khawpin ZPM party in boruak an siam ni a sawiin a thlangtu mipui zah lohna leh ram tana thil tha an duh loh zia tichiangtu a ni a ti a. ZPM chu tel ve na an neih miah lohna hmunah pawh tel ve anga in sawi thin, enchhin sorkar ZPM tluka Mizorama rorelna chelh tawh Party zingah term chanve pawh an hman hmaa mipui nin hlawh an la awm lo a ti a ni.

ZPm chu Sum leh paiah an harsa em em ni a sawiin, sum hmuhna a nih beiseiin Mizoram mipui pawmpui miah loh FCAA an pass a ti a ni.

<><><>

CHAMPHAI ROAD BLOCK

Champhai atanga Aizawl panna kawngpui National Highway No.06 chu nimin chawhnu lama ruah sur nasa avanga leiminin hmun hnihah a hnawhping a, tun dinhmunah lirthei eng chi mah a kaltlang thei rih lo.

Champhaia kan corr sawi danin, Champhai bul, Chhungte khaw zawn Champhai atanga KM 5-6 ah kawngpui hi leimin in hmun hnih ah a hnawh ping a,

Champhai DISTRICT bawrhsap chuan thuchhuah siamin leimin leh lung tla a awm reng avangin mipuite chu kawngpui thenfai a nih hma chu kal tlang tum lo turin a hriattir.

Tun dinhmunah leimin leh lung tla a khat tawka a awm reng avangin kawngpui hi khawk hmanga thenfai theih a la ni lo.

<><><>

BUHCHANGPHAI SOLAR WSS

Comptroller and Auditor General of India report tih chhuah Chief Minister-in Assembly session hnuhnung bera a pharh ah March 31, 2023 ah hnathawh zawh loh a tarlan zinga mi, Buhchangphai Solar Water Supply Scheme chu Kolasib District MJA member ten nimin khan an tlawh a.

Buhchangphai a Kolasib District MJA te lo dawngsawngtu Buhchangphai Village WATSAN Committee Chairman Pu Lalsangbera, VCP ni bawk chuan, an khaw Tui lakna Solar Pumping WSS chu, hnathawh tan tlai avangin a hun takah zawh ni lo mahse, August 17, 2023 atang khan an khaw Tui lakna hi an chhawr tan a, tunah chuan an tangkaipui hle tih a sawi a. Tui pump-na tura dah Solar plate te chuan Electric Power kw 37.5 a siam chhuak thei a, tui pump-na atan an khawl hman hi 30hP niin, khawl chu a chawm zo tha hle niin a sawi. Ni a sat that chuan Tui Tanky pump khat turin hun a duh rei lova, Tanky pahniha Tui liam veng turin WATSAN Committee chuan mi pahnih an ruai tih a sawi bawk.

Kolasib District MJA hruaituten PHE, Kolasib WATSAN Division Sr. EE Pi Lalrosangi an biakna ah Buhchangphai khua a cheng chhungkaw 233 chuan Tui Connection an nei tawh a, Department lam chhinchhiah dan in, Buhchangphai ah Tui Connection neilo an awm tawh lova, chutihlai chuan hmun dang atanga pem lut leh In dang thar te an awm thin avangin Tui Connection nei lo palh erawh an awm thei a ti a nji.

Buhchangphai Solar Pumping Water Supply Scheme hmang hian ni khatah Tui litre nuai khat singli pump chhuah thin a ni a, ni khatah mi pakhatin tui hi litre 55 vel dawng ziah tur anga chhutin, Project design ang chuan he Scheme hi kum 30 chhung Buhchangphai mipui chawm thei tura tih a ni.

Buhchangphai Solar Pumping WSS hi nikum June 20, 2024 khan Buhchangphai WATSAN Committee te enkawl chhunzawm turin inremna siam in an kutah hlan a ni tawh a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

UNION FINANCE MINISTER ON GST

Union Finance Minister Nirmala Sitharaman-i chuan GST kalphung thar chuan mipuite thil leh hralh kawngah hmasawna a thlen

dawn a ti. Private channel pakhatin a kawmnaah Pi Sitharamani chuan mipui nitin mamawh zaa 99 ahte GST hi zaa bial, panga leh 18 lak a ni tawh dawn a ti.

Hei bakah hian Union Finance Minister chuan US in tariff zaa 50 a lak avanga rampawna bungrua thawncchuak thin harsatna tawkte sawrkarin a buaipui dawn tih a sawi bawk a ni.

<><><>

GST

Central Board of Indirect Taxes & Customs (CBIC) Chiarperson Sanjay Kumar Agarwal chuan Next Generation GST reform chu thutlukna huaisen leh huapzo tak anih thu a sawi. Akashvani News in a kawmnaah Pu Agarwala chuan mi narante hamthatna pek chu sawrkar ngaihpawimawh hmasak a nih thu a sawi a. Mipui bungraw mamawh zualahte GST chu zaa 5 aia tam lak anih loh thu a sawi a ni.

<><><>

PUNJAB FLOOD

All India Institute of Medical Sciences (AIIMS), Delhi chuan doctor leh nurse team engemawzat Punjab tuilian tuarte enkawl tur a tir. He team ah hian doctor 11 leh nurse 11 an awm a. Medicine, Psychiatry, pediatrics, surgery, gynecology leh radiodiagnosis lama mithiamte an ni a. Dr.Amarinder Singh, AIIMS-a Assistant Professor, Dept. of Radio diagnosis chuan heng team tirhluhte hian tuilian tuarte enkawl hna ngawrh takin an thawk nghal ang a ti.

Puan tawh angina Punjab-ah hian tuilian avangin mipuiten harsatna an la tawk chhunzawm zel a. District 23 ah tuilian avang hian mipuiten harsatna an tawk mek a. Tuilian tuar nasa zingah hain Gurdaspur, Amritsar, Ferozepur, Fazilka leh Pathankot te chu a tuar nasa an ni a. Ludhiana leh Patiala ah te chuan Sutlej lui a len zel avangin inralring tura hriattirna red alert tihchhuah a ni.

Kan Correspondent sawidanin thingtlang khua 1900-a mi nuai 3 leh sing 8 chuangin harsatna an tawk mek a. Vawiin thlengin tuilian avanga chhiatna thlengah mi 43 an thi tawh a ni.

<><><>